



Malgrà che l'interess per professiuns en il sector da tgira è grond regia anc adina mancanza da tgirunzas e tgirunzs.

FOTO O. ITEM

L'interess da daventar tgirunz è grond

■ (rtr) «I manca il personal», hai adina puspè gi num ils davos onns or dal sector da tgira. Mancanza d'interess para dentant betg d'esser la raschun. Pertge tenor l'Uffizi per la furmazion professiunala dal Grischun èn ils emprendissadis en quest sector fitg dumandads tar ils giuvenils grischuns. Il grond interess dals giuvenils per in emprendissadi en il sector da tgira è bain allegraivel, dentant muntia quai insumma betg che la situaziun da personal saja sa meglierada l'ultim temps, di *Marlis Alig*, la manadra da fatschenta da l'Unìun da tgirunzas e tgirunzs dal Grischun. «Ils manaschis èn anc adina dependents da mintga persuna che lavura en quest sector respectiv che vul far qua l'emprendissadi», di *Marlis Alig*. «Igl ha anc adina memia paucas tgirunzas e tgirunzs.» Las

plazzas d'emprendissadi en il sector da tgira sajan uschè dumandadas perquai ch'i na dettia betg uschè bleras. Blers manaschis na scrivian simplamain betg ora da quellas plazzas. Las raschuns èn differentas: Tar in u l'auter na va quai per exempel betg pervia da la grondezza dal manaschi. Dentant er ils custs per ina tala piazza è ina raschun daco ch'ellas na vegnan betg screttas ora. Il recept per meglierar la situaziun è tenor la manadra da l'Unìun da tgirunzas e tgirunzs dal Grischun: Far in pool da daners nua che mintga instituziun che na porscha betg plazzas d'emprendissadi stuess pajar inatg, e quellas instituziuns che porschan emprendissadis survegnissan perencunter daners or da quest pool per mintga piazza d'emprendissadi. «Ina buna schliaziun per reparter ils custs pli gu-

livà sin tuts», manegia *Marlis Alig*. Pertge praticamain mintga instituziun, mintga chasa da tgira ed era la spitex cumbattian cun ils custs e sajan uschia sut squitsch. L'interess per in mastergn da tgirunz è bain grond tar ils giuvenils, bliers chalan dentant era puspè – baud u tard. «Igl è in mastergn nua ch'ins sto schon esser conscient ch'ins sto era lavurar la fin d'emna e la notg», di *Marlis Alig*. «Bliers percorschan pir pli tard che quai n'è en sazez betg quai ch'els vulan e bandunan lura il mastergn.» Zunt engraziaivels èn ins perquai che bleras dunas vulan puspè turnar en il mastergn da tgirunza suenter ina pausa da famiglia. Persunas ch'i dovria fitg il mument, concluda *Marlis Alig*, la manadra da fatschenta da l'Unìun da tgirunzas e tgirunzs dal Grischun.